

湖南直隸桂陽州志卷三十三

列女志

乾坤正氣所鍾不遺閨閣或取義成仁或集荼茹
藜巾幘鬚眉不可磨滅其已蒙

旌獎者例應載入或有一生苦節埋沒未彰表
賢遺蓬萊之婦可乎登其姓氏以闡幽光此物此
志也

節孝

朱

周涓妻莫荃 宋史周涓傳荃賢婦人也涓北走時
不暇與荃訣二子孩幼荃尙少父母欲嫁之荃泣

誓曰渭非久因者今違難遠適必能自奮於是親蠶績碓舂以給朝夕二子皆畢婚娶凡二十六年復見渭時人異之宋昂著莫節婦傳紀其事

明

陳宗濟妻王氏 夫故無子氏年甚少家貧盡歛其

粧資奉夫柩歸窆苦節四十餘年詔旌其門

陳以文妻黃氏 以文戍鎮遠戰死氏年二十有遺

腹子撫育終節

黃曇妻雷氏 年二十八誓節撫孤卒年八十餘嘉

靖中巡按御史旌之

何佃妻歐陽氏 妾龐氏佃係嘉靖辛酉登鄉薦丙

寅卒氏年二十三妾龐氏年十九共寢處守節數

十年撫姪爲後州守爲建雙節坊

陳逢仍妻雷氏陳本載妻陳氏 兩婦嫁踰年而寡

無子毀容完節各以壽終嘉靖初知縣陳唐甫並
獎之

彭嗣銀妻尹氏 年少苦節至八十四茹荼以終曾

孫守定登賢書

王朝讓妻石氏 年二十餘夫卒矢志不嫁終身哀

戚萬厓中詔臨武令歲給帛麻復其家建坊城東

八十六終

庠生廖希韶妻唐氏 希韶沒氏年二十守節事姑

尤孝謹毀容變服終身不歸縣令方文炯獎之
廖宗夏妻成氏 嫁暮月卽孀居撫夫姪承祀誓死
靡他年至七十萬歷申旌表

江燾妻雷氏 年十八適江數月而夫亡食貧矢志
遺腹子撫育成立州守朱程塢具詳旌節

黃出妻雷氏 黃廷秀妻陳氏 禹沒雷年二十四于
廷秀方七歲家貧苦節廷秀既長娶婦陳甫生子
而廷秀亦下世陳與姑同矢相舟之志州守蔣時
行表其門曰雙節

鄧顯繼妻魏氏 適鄧未暮月而寡前妻子甫二歲
鞠之如已出以節旌

尹憲寬妻陳氏 生三子俱幼憲寬卒陳年二十八
或有諷其他適者陳厲聲叱之屏却膏沐茹荼守
志尤孝養祖舅姑年八十通判陳有孚攝府篆表
其閭

何文宇妻袁氏 文宇受知於督學有文名萬歷丙
戌沒袁年二十六茹苦撫孤卒以成立州守旌其
廬

某姓名失妻傅氏 年十九于歸生一子夫亡父天寵
憐其少欲改嫁之傅勵志自矢撫孤成立天啟間
州守旌之年九十卒

何繼元妻袁氏 年二十六夫沒苦節撫孤成立州

牧旌其閭

段尙素妻傅氏 年十八適尙素生一子尙素死傅

年二十一父憐其少欲改字之傅劬指以誓食貧

鞠孤天啓中州守徐光大表其門年九十終

貞女陳明典女 名加貞性篤孝母劉氏多病爲割

股食之母竟不起因泣天自矢終身不字以奉烝

嘗年八十餘以貞操崇正間旌

李正誼妻謝氏 適李四載正誼亡遺腹四月生子

孟傑撫孤課讀年七十卒

江濤妻雷氏 年十八歸濤未暮年濤亡遺腹三月

生子游龍矢節撫孤州守徐光大獎之以額

湯宗伊妻陳氏 年二十二夫沒遺二子時翁大護

司理衢州聞訃慟曰雖有二子奈婦少何氏嘆口

無子且守况有子乎貧婦且守况宦家乎自是毀

容守節人無間言

劉某妻雷氏 生二子年二十三劉亡雷甘貧矢志

鞠孤成立既納婦兩子同日俱夭雷復撫幼孫玉

枝芳枝課以學相繼爲諸生

雷應行妻劉氏 年十八應行沒無子雷矢志不二

守節六十七年卒

曾顯爵妻陳氏 年二十二顯爵沒母老子稚家益

窶陳以紡績給甘旨撫其子宗周成立爲諸生萬

歷十一年詔旌其門

唐敬縉妻廖氏 年二十五敬縉故遺腹生子德璋

廖冰心矢節歷五十年教子成立知縣吳從謙旌

其門

王上諧妻文氏 年十八適上諧上諧患瘋狂越三

年無子家益貧文以縫績事翁姑及翁姑沒鬻

衣以殯孀居五十餘邑令屢優恤之

劉亨兆妻文氏 年十八適亨兆生子時取甫一歲

而亨兆沒文矢志自守家貧傭績以贍朝夕雖極

寒餓終無懟望撫子成立

王起俊妻雷氏 起俊早死遺女十齡子方一歲時

夫與姑喪先後殯於庭崇禎末寇警狎至邑民震

且走雷日兩喪未舉吾何愛一死乃趣召族中子

姪扶兩棺赴宅兆葬如禮孀子女避亂崎嶇百憂

中終無渝志亡何其子亦殤遂嫁其女歸李氏相

依終老

鄺士聰妻鄧氏 士聰沒鄧年二十四值兵火徧作

竄伏林藪誓死全節寡居三十餘年

鄺英義妻陳氏 未嫁而夫有惡疾父特遲其期以

待之女泣曰吾數也不可以二卒歸鄺爲夫揩拭

瘡液無厭色越三年夫卒撫姪士梯爲夫嗣教督

成諸生知縣陳周政表其門

彭友權妻鄭氏 年二十三夫卒遺腹生子文林矢節青孤斷髮不再適文林既長納婦陳生孫二文林夫婦相繼沒鄭復撫二孫成立鄭年八十五終守令皆旌之

王朝仰妻鄭氏 朝仰早卒無嗣氏年二十九毀容矢節扃戶靜守惟紡績自贍年八十餘卒

王廷睿妻蔣氏 年二十二而寡遺孤三齡瞽翁在堂蕭然壁立氏黽勉給養及翁沒既葬孤亦成立

娶婦生子垂四歲子若孫復相繼夭亡氏哀苦無告藉紡績自食終無渝志

石正道妻杜氏 適石甫八月正道沒無子氏年十九哀號骨立矢不更醮年八十三卒崇正間知縣

楊學孔旌其節

桂廷鳳妻李氏 名中姑適江西桂廷鳳姑患痲疾將不起聞有言乳肉可療者李禱竈神自割一乳昏仆於地氣已絕俄有僧踵門曰以室中蘄艾傳之如其言果甦比求僧不復見矣乃取乳和藥奉

姑獲痊

鄭良讓妻陳氏 姑病疽氏吮之而愈

蘓朝宗女湘蘭 父病劇割股以進立愈歸王氏以

孝聞

劉時遇妻李氏 妾羅氏俱相誓守節

夏國祚妻楊氏 妾諸氏艾氏守節無間言

尹寬妻陳氏 彭紹新妻李氏皆以節孝聞

夏國祚妻楊氏 四載夫亡孤九如尚在襁褓氏哀

痛欲絕繼念邁姑無人侍奉藐孤無人撫養飲泣

節哀勉卒喪事訓子成立甫束髮即遊庠年二十

食餼署州篆徐公旌以額曰孤芳天挺學使高公

題其閭曰節孝雙全

李時春妾王氏 時春以貢授山西忻州同知遷州

守時春沒氏矢節撫孤子二淳濬俱名諸生

皇清

胡薦朝妻劉氏 薦朝沒遺子三氏年二十五誓死

靡他教諸孤嘉鼎嘉龜皆成諸生卒年七十四知

縣李振麟侯士鼎皆旌其廬

陳才昱妻雷氏 年十八適才昱甫一年才昱沒氏

截髮毀容誓無異志足不踰壺三十餘年

鄭世均妻鄧氏 年二十三夫卒無子服闋有迫之

改適者曰汝何所守氏以頭搶地曰吾自守吾志

耳明日則截髮為髮裝矣歷四十餘年紡績自贍

盧祀垣妻王氏 年二十四祖垣沒子堯銘方二歲

氏啜泣鞠育備歷險巇終無渝志知縣趙以額旌

之

羅顯上妻劉氏 適顯上生子彩貴僅半歲顯上早

逝氏矢節不再黜鞠孤成立有司屢旌其門

羅顯閣妻黃氏 顯閣沒無子氏水漿不入口者三日投纆者再家人屢救解之勸以撫族子為後氏

勉從之年踰六十以苦節終

王士明妻蔣氏 年及笄歸士明嘗解簪珥佐夫力

學士明卒遺孤雲龍甫三歲氏年二十餘治墓畢毀容敝服拮据家政撫雲龍就傅成諸生寡居六十載

胡祺慶妻劉氏 年二十三夫卒矢志撫孤遭時多

故氏孑然自全於劫火中終無異志

鄺朝梅妻劉氏 適鄺三載夫亡遺孤半歲朝梅臨

終囑曰汝從一之志吾所夙知弟母老子幼無同

懷兄弟吾沒慮有不哀吾喪者汝姑勿哭以聞於

人速殮而後舉哀事必親歷勿任人指摩浹辰之

內當擇吉瘞祖塋側謹事吾母以成此藐孤吾瞑

目泉下矣氏一一如其言事姑益謹尋終喪葬撫

孤成立苦節數十年

羅顯魁妻史氏 年二十夫卒遺腹生子晨夕紡績

以自贍撫孤子成立子復先史卒史更撫孤孫以

節壽終

彭宗禹妻李氏 歸彭四載宗禹亡遺兩雛頗有腴

產同室耽耽多凌鏢之氏吞聲不校惟督二子攻

苦長子年既冠成諸生知縣楊學孔表其閭

盧光祖妻廖氏 年二十二夫沒生子堯文方在抱

時寇盜蜂起氏攜孤遁匿山谷有勸之改適者氏

曰予為盧氏一線忍死至此吉凶非所計也卒撫

孤成立知縣趙表其盧

劉有熙妻鄧氏 年十八有熙亡遺腹生男長庚鄧

翰之成立補州弟子員崇正十五年有司聞於當

路命優獎之順治中郡守李光座復旌其門

羅顯哀妻劇氏 適顯哀三載而寡遺腹生子貴誨

劇矢志堅守教其子成諸生順治間縲令徐開禧

旌其門

劇賢梓妻王氏 年十八歸賢梓三年而寡斷髮矢

志撫姪良煦承夫祀督以學成諸生有司旌之

曾某妻李氏 年十九歸曾甫六載夫亡泣血矢志

撫其孤宏毅僅五齡卒能成立知縣徐開禧旌其

節

石雲登妻王氏 年二十三雲登沒遺子甫四齡王

哀毀幾殞矢節孀居凡四十餘年有司特表其節

成重瑯妻厲氏 歸成甫朞年重瑯死無嗣厲年二

十誓節堅守撫伯子承夫祀事姑尤以孝聞有司

旌之

廖興官妻陳氏 年二十興官死遺腹生子誓不再

適鞠孤成立苦節七十載兩院皆旌其廬

成本業妻黃氏 年二十本業卒遺子顯世纔一歲

黃矢志不二撫藐孤成諸生操行凜然

黃啤妻廖氏 歸啤七月而寡無出家貧甚惟業紡

績以自給有諷之再適者唾其面拒之年八十餘

卒

范景鎮妻劉氏 夫卒子殤撫弱女田數畝為景鎮

弟所奪終不為動守節終身

羅貴璉妻劉氏 夫沒家貧不免東餒守節四十年

雷電妻鄧氏 年二十三守節姑老病口哺湯藥康

熙五十二年旌建坊北門外

胡鹿鳴妻劉氏 媳曾氏曾氏之媳文氏三世守節

楊光智妻陳氏 年二十七光智死無子孀居六十

五年九十二卒

黃常鶚妻封氏 年二十一常鶚故子幼悉出夫貲

產付叔比子長補博士弟于叔還田及金封却其

金焉

黃廷軒妻唐氏 年二十六守節備艱苦撫孤成立

彭道炎妻廖氏 夫沒子僅匝月氏矢節撫之既長

納婦子婦俱早逝復撫孤孫成立卒年八十六

鄧尚微妻周氏 年二十六而寡遺孤三歲茹荼拮

据矢志不移卒年九十七

彭岳齡妻曾氏 妾熊氏崇正十六年獻賊陷楚岳齡因孫可望避亂隱徭崗遂不知所終時曾年二十八熊年二十五兵戈危險有勸其他適者兩氏皆矢天慟哭食貧苦節以老康熙間州守田元愷給匾旌之

江才智妻鍾氏 青年守志壽九十州守袁繼善旌其廬

何其位妻李氏 明末其位以薦舉宦遊於外遂不反遺李及二穉值寇亂顛沛終無二志

汪萃龍妻徐氏 年二十一夫亡矢志守節以女紅佐姑膳督二子力學長子洋成諸生

雷大澤妻彭氏 年二十二夫亡遺四月孤誓死守節屢經兵燹苦志彌堅弟婦唐氏年二十五夫沒亦以節終

羅登佐妻徐氏 年二十二夫故矢志苦守撫二子力學長子俊士成諸生

鄺祖濂繼妻廖氏 適孝廉祖濂為繼室祖濂卒廖年二十二無出哀毀矢節撫前室駱氏十歲子賢頑課以力學崇正中以明經歷官維摩州順治末廖年八十餘孫良炫曾孫世培世 皆登仕籍康熙丙午年九十二終

廖應正妻彭氏 夫沒無子苦節四十餘年

蕭宗瑄妻李氏 年二十二夫故家貧躬紡績以奉翁姑砥節課子孀居四十餘年

劉儲霖妻單氏 年二十夫故矢死靡他孝奉翁姑撫姪承祀康熙四十八年旌坊在西鄉

李艷妻周氏 年二十九夫沒矢志栢舟孝事姑婢克盡婦道撫幼子遵先進先成立勤紡績以興家課孫日絢超元世煒相繼為諸生苦節五十餘年

八十五歲無疾而終

陳文石妻李氏 年二十夫沒李矢志不二撫幼子成立能克家縣令詣廬獎之

尹如錫妻傅氏 年二十六夫故誓不二適守節三十九年雍正十年旌

廖治基妻黃氏 年二十七夫沒無子撫姪守節事姑盡孝孀居四十年有司旌之

成均時妻李氏 年二十夫沒遺子廷瓚半歲氏紡績奉姑饑寒不輟訓子以義守節六十餘年

朱九徵妻李氏 年二十四徵亡哀毀骨立孝事翁姑撫三子成立

成廷祺妻李氏 年二十五夫亡遺孤先登五歲值滇寇蹂躪竄匿徭崗絕粒數日幸獲全卒撫孤成立以完節終

成廷禧妻雷氏 年二十七夫卒遺七歲孤矢志完

節歷四十餘年閨門嚴肅訓子先榮成諸生

雷廣電妻黃氏 年二十一夫沒有武弁挾勢欲強娶之氏斷髮毀容不能奪知縣朱以額旌之

黃大憲妻雷氏 年二十夫沒守節撫孤又十年子復天媳遺腹生一子未幾媳亦早折氏撫孫成立孀居五十六年

顏紹甫妻李氏 年二十夫沒家貧守節撫孤成立陳繼熊妻朱氏 年二十夫沒遺一歲子善策誓節撫孤足不出門四十年知縣朱旌其門

厲潤妻鄒氏 年二十四夫沒遺孤五月家甚貧苦節不二事繼姑三十五年克盡孝養教子及孫俱

成諸生

陳大經妻唐氏 年二十五夫沒逾三月生子善家甚貧舅姑年老矢志不二舅姑病湯藥不怠及卒負土成墳手爲之裂人皆憐之有司旌其門

成先眷妻蕭氏 年二十二守節雍正十一年旌黃思鶴妻顏氏 年二十四夫沒翁姑皆七十餘孤復幼待哺於顏紡績支持守節四十四年

鄧義昭妻李氏 年二十三夫沒遺腹生子李氏拮据奉姑撫孤守節四十餘年知縣曾以額旌之

黃遠栢妻周氏 年二十四夫卒遺腹生子枝蘭氏矢志不二孝事翁姑枝蘭成諸生周孀居二十九

年卒

封用成妻黃氏 適封甫年餘用成沒遺腹生子道

隆氏斷指誓守事姑以孝聞

黃興玳妻成氏 年二十三夫沒遺一歲孤家貧矢

志不二訓子廷正食餼

甯時來妻彭氏 事父母及翁姑俱以孝稱三子皆

食餼

何湛妻鄧氏 事翁姑孝謹生子不青速夫置妾生

一子夫故撫孤苦節歷年七十

張天宿妻何氏 年十六適張姑及祖姑皆孀居氏

克孝謹生子賦鈺夫卒氏年二十矢志守節奉姑

未幾祖姑年八十姑年六十同日亡喪葬皆如禮

劉久亨妻譚氏 年二十五夫沒家故貧值歲旱粟

踊據據不能自贍氏凜然無二志聞有假貸輒先

奉翁姑鄰里咸義之撫孤成立孀居四十三年

羅顯位妻蕭氏 年十五歸羅明年生子垣貴甫一

月夫亡絕粒雉經家人屢救之以老姑稚子相解

慰姑病瘵飲啜溲溺皆待氏而動終無懟苦色家

貧資紡績以食備極荼苦撫孤方成立而中折復

鞠育幼孫以終老

黃有述妻曾氏 年二十四有述卒曾有娠未產有

述鮮兄弟惟母蔣在堂氏泣曰天不絕黃氏俾遺

一綫庶老姑不致失所依也及產果得男氏矢志撫孤事姑養葬如禮以節終

賀祖璉妻鄧氏 適祖璉三載而寡遺孤德鳳方及
晬氏食貧矢節備歷諸艱撫孤成立

鄺德選妻周氏 適鄺未幾而德選亡氏年二十二
遺腹生一子氏蕪香告夫靈矢志守節值喪亂轉徙冰操如一

周齊賢妻何氏 事翁姑能執婦道年二十四齊賢
卒遺二孤俱幼氏忍泣以慰高堂食貧撫孤未幾翁姑相繼沒鬻產求祖塋公地以葬人稱節孝

鄧顯聰妻李氏 年二十七顯聰亡僅遺二女氏堅
志自守次女適鄺夫早卒亦以節稱

李世甲妻譚氏 適世甲未暮而寡遺娠生子毀容
守節養殮不繼始終如一

鄧顯守妻廖氏 年十八歸鄧五載顯守亡遺男朝
傑甫三齡家窶甚氏紡績育孤同室有強之再醮者氏奔母家截髮見志得完其節

杜宗台妻李氏 年二十六夫沒矢志從一撫三孤
次第成立知縣李振麟旌其廬

杜祖鍾妻李氏 年二十一歸祖鍾甫四月祖鍾卒
遺腹生子矢節撫孤與孀姑相依為命

鄺士萃妻劉氏 年二十七夫卒矢節不再醮翁自

歲氏亦七旬矣猶晨夕奉甘旨曲承其歡

鄺性德妻李氏 適鄺四載而寡遺孤復夭折氏痛

絕數次更撫子為夫後苦節四十餘年

胡鳴楚妻龍氏 年二十二夫卒撫兩孤值時變遷

挈負竄徙百折不回守志四十餘年

羅璇貴妻鄧氏 璇貴疾卒氏年二十遺腹生子聯

芳忍泣矢志撫孤成立為諸生

鄧世珏妻王氏 年及笄歸鄧越七載夫沒氏矢操

不再適撫孤及齡復夭或勸之他適氏曰吾知為

泉下人耳奚所適從乎卒守志以終

羅從貴妻何氏 適羅八年無出勸夫置妾明年舉

子視之如已出未幾夫卒益竭力撫孤慰留其妾

相與終志

鄺顯聲妻石氏 年十七歸鄺未三載夫卒氏蓬首

垢面苦節數十年如一日事翁及繼姑紡績終養

喪葬如禮雍正間祀節孝祠

黃道發妻唐氏 年二十七夫卒遺男尊孟甫五齡

撫之成立奉孀姑二十餘年以節孝聞乾隆二年

旌

吳守鳳妻謝氏 年十九歸守鳳值滇寇蹂躪偕夫

避兵自甘茹苦而奉舅姑無缺年二十六夫沒氏

嚙指瀝血絕粒數日撫子宏仁成立乾隆三年旌

李伯齡妻胡氏 年十八歸伯齡姑日警氏奉甘旨無少違伯齡亦多病苦貧乏慮無子息氏以紡績所積勸納妾及伯齡臥牀褥延醫嘗藥寢不就枕願以身代夫亡姑亦繼沒棺衾殯葬身肩其任氏年二十八矢志完貞乾隆三年旌坊在北門外李舒先妻侯氏 年二十三夫故茹荼守節父母勸其改適氏截髮自誓撫子騰蛟成諸生乾隆四年旌

朱顯榮妻曾氏 夫沒氏年二十三矢志守節方曾初適朱時舅姑年六十餘執婦禮甚謹姑病顯榮質於外家貧衣食窘甚氏盡出其奩資鬻錢以救

姑值天寒躬為舅姑採樵遇虎至氏泣曰吾死不足惜奈舅姑何虎去至前則傷人矣人以爲孝感所致及顯榮沒氏自縊家人救之復甦事舅姑不懈撫幼子成立苦節三十餘年乾隆六年旌

王壽昌妻雷氏 年二十三壽昌沒無子雷以死殉者再姑防之密乃撫姪為嗣事七旬老姑以紡績供甘旨乾隆七年旌

盧大援妻袁氏 年二十四歲夫亡遺三子復相繼以天僅孤孫一人名國瑜家貧姑媳相守苦節四十餘年

李亭芳妻楊氏 夫病踰月衣不解帶及沒遺三歲

孤氏嚙指瀝血誓志撫孤乾隆八年旌

王世陞妻魏氏 年十九居孀遺子僅數月欲投繯
以身殉者數數家人以姑存子幼勸勉始起視事
孝兩世孀姑人無間言撫夫弟妹自教讀以至婚
嫁無不區畫盡心苦節四十餘年撫子傳清貢入
成均乾隆三十年建坊 旌表

李世聰妻陳氏 年十九歸李祖姑年高齒落氏和
羹奉養不粒食者數年夫沒舅姑尙未葬氏連舉
三喪備嘗艱苦教二子昌期昌望俱名諸生乾隆
八年旌

李繼紳妻鄭氏 年二十二繼紳沒無子斷髮毀容
撫姪子俊爲夫後姑陳年八十餘事之益謹守節
三十餘年乾隆十七年旌

盧國按妻劉氏 年二十一歲夫亡遺腹子名朝在
家極貧氏矢志苦節歷四十餘年撫子孫成立

譚附鳳妻蔣氏 附鳳沒蔣年二十五幼子尙在襁
褓絕粒七日不死遂灌園紡績苦志守節乾隆十
八年旌

何榮祚妻魏氏 年二十二夫亡誓以身殉親鄰以
姑老勸免立姪昌高爲嗣每逢榮祚誕忌氏必設
奠盡哀泪枯而繼之以血見者爲之感嘆貞守五
十餘年未嘗稍懈乾隆十八年旌

生員盧國政妻譚氏 年二十二歲夫亡遺子名朝
楚家貧矢志撫孤人言不得亂其志苦節三十餘
年

王大臣妻房氏 年二十一歲夫亡遺二子皆稚姑
年高病癱疽發於背歷三載房每日以舌舐之然
後傳藥姑竟愈年近九旬尙依房爲命紡績教子
諄諄以父書相勗長子霖成諸生乾隆二十四年
旌坊在舍人渡宅前

唐德明妻陶氏 年二十七守節三十餘年

生員李人偉妻鄧氏 秉性貞淑年十九適李未數
月而李沒氏誓以死殉公姑慰曰如吾二人何新

婦所爲爲無後也可立姪以終厥志氏乃以守爲
養以養爲撫竭甘旨勤丸荻歷四十年有如一日
課嗣子貢成均諸孫崢嶸庠序氏年六十歲時巡
憲旌其門乾隆三十年請 旌建坊

羅世瑤妻劉氏 年二十三夫亡家計艱難立志守
節紡績勞悴倍於帛人事姑不缺於養撫子成立
年八十卒

劉傳調妻胡氏 年二十六孀居撫孤完節備嘗艱
苦歷四十餘年

吳名儀妻盧氏 年二十七夫亡於外遺二子尙幼
家極貧盧矢志苦守貞淑婉婉勤儉持家一時鄰

里有賢母之目子成孫立清操五十餘年

李世芸妻張氏 年二十一歲生于僅五月夫病將
革目猶未瞑氏折簪以誓曰事姑吾事也穉子吾
撫也吾不負地下人地下人復何戀乎芸目乃瞑
守節三十餘年艱苦備歷於初矢之言無不吻合
者乾隆五十五年旌

何德驥妻汪氏 年二十二歲夫亡遺孤方在孩提
矢志守節養親教子戚鄰毫無間言茹荼四十餘
載無疾而終

生員李文文妻何氏 年二十六夫亡遺一子方二
歲當元文病革時以親老子幼爲囑氏泣拜床下
剪髮爲誓決不以生死易操夫故悲傷幾斃舅姑
以再世單傳藐孤一綫勸勉氏痛稍釋自是以婦
德兼孝子以母教代嚴君一經相繼子肖孫賢何
莫非孝節有以啓之也苦守六十餘年

朱世冠妻蔣氏 年十九于歸甫一載夫外出三十
年未歸家甚貧氏事病姑備極艱難歷久不倦及
姑死氏哭奠衾棺爲之殮葬其純孝之名鄉黨無
不欽慕

鄧有駟妻秦氏 年二十于歸尙未及期有駟病將
革秦泣誓言得侍湯藥一夕死無怨矣父母不能
抑竟先期歸鄧不數日而有駟病故秦決以死殉

所親以翁姑年老力勸爲之立嗣以終其志卒年七十一歲

雷禮灝妻孔氏 係孔素生之女年二十三夫故二子皆在襁褓家極貧翁姑憫其年勸令再醮而氏乃毀髮誓志備工以爲仰事俯育資撫子成立守節四十餘年

周招秀周常茂之女 幼許字夏永華未婚而永華外亡女年方及笄也卽誓志無他往夫家以養舅姑所親竟不能奪其志撫姪爲子備歷艱辛而百折不回年五十卒州守旌其門曰貞超史載

廖季迥妻蕭氏 年二十二夫亡悲傷幾斃姑知氏有數月之娠苦以存嗣勸氏乃忍哀育子日夕勤紡績歷久不輟貞守三十餘年親族無間言焉

何孔楹妻鄧氏 秉性貞靜家貧守禮夫沒時年方二十一歲遺子週期爲人傭工養親育子不失婦道鄰里無不歎服

王澤淋妻魏氏 年二十二夫亡無子舅姑憐其少勸其他適氏曰號泣決以死殉所親因擇族子承嗣仰事俯育克盡婦道卒年十四

李昌祥妻曹氏 夫死時年二十四孀姑在堂二子襁褓氏矢志靡他畢盡孝慈三十餘年有如一日年六十而終

劉智福妻彭氏 秉性堅貞夫死時年僅二十遺子數月氏矢志貞守孝親育子食貧無厭孀居三十餘年

劉邦啓妻李氏 年二十八夫死欲殉之姑泣曰汝死吾復何恃且藐諸孤將何托乎氏遂忍死孝姑撫子家道貧窘不計也貞操三十餘年

戴應昌妻劉氏 年二十三歲夫亡生子甫及一周矢志守節家極貧事姑盡孝人無間言子成孫立六十餘歲乾隆 年學院莊已給節凜冰霜四字旌其門

彭振遠妻劉氏 年二十八夫亡子幼矢志柏舟事姑盡禮課子守義苦節四十餘年

秦甫作妻黃氏 年二十二夫故於滇計聞氏欲以身殉者數數人以老姑幼子勸苦節三十餘年撫子食餼膠庠孫枝挺秀恬然一堂以貞守卒

陽方最妻廖氏 年二十七夫亡哀號不食翁姑慰曰吾兒雖死汝能守節事我二人撫爾幼子是吾兒猶生也氏勉從之白首茹蘖堅節可風雍正十年州守旌其門孀居六十餘年

吳成瓚妻廖氏 年二十七夫亡氏欲從死姑謂吳門雖衰有孤可撫况吾衰老寧不我計乎遂矢志

苦守事親訓子克全其道乾隆十年間州守旌其

門清操四十餘年

汪國綿妻譚氏 年二十四夫歿矢志從死家人環

泣曰若必盡節遺孤何托絕復甦飲冰茹蘗事孀

姑以孝聞遺子復殤立伯子以延其嗣貞守四十

餘年

陳言實妻彭氏 年二十四夫故一子尚幼矢志撫

孤以延宗祀紡績課子未幾而子亦復夭氏痛幾

斃所親憐其節為立姪孫以嗣其子苦守四十餘

年

陳美珩妻尹氏 年二十三守志苦節四十年撫姪

承嗣其懿行內外無間乾隆癸酉學憲葉以苦節

之貞四字旌其門

李世羨之妻徐氏 年二十四夫沒遺子二氏立志

靡他孝姑鞠子歷久不倦沒年七十三歲

李昌仲妻鄧氏 年二十二矢節遺腹一子氏不以

食貧異志仰事俯育三十餘年卒時五十九歲

李昌苾之妻何氏 本州何國榮女年二十七守節

上事兩世翁姑孝謹之名戚鄰無間撫姪承嗣備

極勤劬且賦性樂善凡貧窘所及者不私所有以

周其急遠近德之課子入貢選諸孫秀特乾隆三

十年旌

國學李煥妻王氏 本州王思明女夫沒時年二十

七幾不欲生然上有兩世舅姑遺子尙幼所親多方勸勉氏乃仰事俯育一身兼任其勞且週恤鄰里事爲樂善之家所難者氏勉爲之故遠近無不欽其仁厚子列膠庠乾隆三十年旌

廖履豐妻李氏 年二十六夫亡遺子數月家極貧所親多以改適勸氏立志苦守撫孤有方歷三十餘年州守旌其門

李亨甲妻徐氏 年二十孀居一子尙幼家計維艱內外親理神形俱瘁謹事舅姑凡飲饌醫藥毫無間缺延師訓子獲繼書香乾隆九年學憲以彤史清風四字旌其門年六十七歲終

朱世愿妻吳氏 當襁褓時卽許朱及朱外出至二十七歲方偕琴瑟甫一週而朱沒遺子月餘家道清貧誓志不貳撫子孫成立貞守五十餘年

李世簪妻何氏 年二十三守節一子尙幼家極貧茹苦撫子延師教訓清操四十餘年如一日
國學李隆述妻鄧氏 年二十夫亡生子僅旬日上有兩世老姑下有孩提幼弟氏一身兼任其勞孤芳自守五十餘年八十三歲終乾隆三十年

旨建坊

江仁鍾妻吳氏 年二十一孀居一子尙在懷抱家貧備歷坎坷而志愈堅事姑怡怡教子則若嚴君

卒年九十三歲見曾元焉

顏榮源妻尹氏 年二十四守志苦節三十餘年當
榮源故時遺腹一子異其成立乃天不佑其子復
天爰立姪爲嗣其端嚴嫻靜無不稱女中師傅云
歐陽正麟妻陳氏 年二十二守志歷盡艱辛不易
其操撫姪承嗣以貞操卒

舉人李人龍繼妻郭氏 年二十四人龍歿遺前妻
子五親子二氏矢志冰霜撫育諸子毫無歧視家
雖素封氏自奉淡泊諸媳以甘旨進氏每却之日
未亡人粗糲延生足矣何用美好爲及周恤戚鄰
毫無慳吝三十餘年不啻一日子昌芳妻夏氏亦

二十四守節 甘心荼蘼人言不以易慮姑媳相
守內外無間言焉

郭顯註妻蕭氏 年二十四守節謹事二老嚴課
孤子弱齡貢入成均復不幸夭亡止存釋孫一
姑媳相守矢志如一

歐永傳妻方氏 年二十四夫故家甚貧氏上奉
親下撫釋子飲荼茹蘗不易其志且治家有法歷
三十餘年閭里罕有見其面者

鄧幹達妻鍾氏 年二十五夫亡無嗣僅一女不欲
生者數數親鄰以姑老勸勉氏乃嚙指爲誓撫姪
承祧冰蘗自持歷三十年如一日焉

吳名仰妻朱氏 年二十一孀居家極貧所志不移
上奉老姑下撫幼子親踈無間言焉苦守六十餘
年卒

侯德昇妻楊氏 年二十六夫亡貞守冰霜事姑曲
盡孝謹親執煩辱皆人所不能堪撫族子承嗣歷
三十餘年不啻如一日焉

朱時濟妻程氏 年二十八時濟客死長沙計聞氏
幾不欲生成鄰以親老子幼勸氏爰鬻產倩人扶
夫柩歸窆其婦代子職母代父勞仰事舅姑存亡
如禮俯育二子婚教無替至其幽嫺正順儉樸勤
劬無不可作閨門之式卒年七十八歲

朱玉眷妻夏氏 年二十四夫歿遺二子俱在襁褓
氏謹事衰姑慎撫二穉姑恐其少志或未堅嘗以
微言令之去氏跪伏姑前斷髮以自誓鄰里爲之
垂涕孀居五十餘年

李義初妻史氏 年二十七夫故氏上事孀姑下撫
藐孤婦道無忝歷三十餘年不易其操

陽方旭妻郭氏 年二十三夫歿遺孤在懷氏矢志
冰霜上奉老姑下育幼子孝慈兼備子列膠庠學
憲葉旌其門以貞守卒

庠生鄧進妻秦氏 年二十九守志上事衰翁晨昏
罔替下撫穉子教誨多方尤爲婦德所難卒年八

十有五

李時榮妻蔣氏 嘉邑女年二十二孀居幼子尙未
離懷家極貧姑老多病茹藥三十餘年孝節之名
遠近傳焉

李道盛妻黃氏 嘉邑女夫亡年僅二十一歲無子
翁姑勸其他適黃嚙指盟心撫姪承嗣翁姑衰病
奉養無缺喪葬如人子歷三十餘年無異志

李道禮妻劉氏 嘉邑女年二十五夫亡子幼矢志
不移養姑撫子三十餘年人無間言

李道仁妻陳氏 嘉邑女年二十四夫亡一子隨天
人多以無孤勸毋自苦陳泣曰從一而終卽無孤
遂不爲贅乎以矩誓所親爲立姪承祀

胡天章妻嚴氏 廣州女子歸嘉邑年十九夫亡遺
一子方週期矢志相舟人言莫間歷三十餘年
凡事上御下罔不中則撫孤嵩早列膠庠嘉邑節
行中以孝賢著者嚴爲最

王浩妻史氏 生員史俞義女年二十六夫亡無子
撫姪承祀食貧自甘以苦守卒

陳美珪妻歐陽氏 年二十六夫亡上事兩世孀姑
下育孩提孤子孝慈兼盡後子列膠庠旣冠而歿
氏復撫穉孫茹荼四十餘年壽七十一而卒

李榮培妻彭氏 年二十九夫歿矢志柏舟訓子有

方及子道瑜成立娶媳蕭氏未幾而瑜亡僅一孤
孫賢浩撫養十餘歲娶孫媳胡氏甫四載浩亦相
繼而亡姑媳哀痛幾卒又憐胡氏孝而無子復撫
堂孫承祧一門相繼守貞里人莫不哀矜

李道彰妻鄧氏 年二十一夫歿遺腹三月矢志守
節紡績以給親養終身不懈撫子成立未幾子媳
俱亡遺二孫尚幼氏躬操作食盡艱辛後二孫俱
入膠庠茹藥五十餘年邑令任旌其門

李景山妻鄭氏 年二十夫故生子數月氏上事舅
姑下有弱穉莫不有道後子復亡娶媳雷氏遺腹
生孫雷以孀姑年老藐孤在抱姑媳相守時人咸
稱為雙節

李廷謨妻蕭氏 年二十夫歿哀毀逾禮意以身殉
所親勸惜身以保夫嗣勉為未亡人後遺腹生子
氏紡織自甘訓子成立邑令任獎其門

張朝愛妻王氏 年二十六夫亡矢志相舟事舅姑
克盡婦道訓子有方未幾子亡撫一孤孫姑媳相
守以終其志前令熊採入邑志

蕭祖清妻王氏 年二十九夫故時舅姑年老多病
親侍湯藥不懈後舅姑歿殯葬如禮氏仍紡績自
甘訓子入成均前令熊採入志乘氏年六十七歲
終

李芳亨妻陽氏年二十三夫故遺一子聲旺苦節貞
操飲水茹蘖乾隆十三年請

旌建坊年八十終

廖 妻龍氏年二十夫亡無子翁姑衰老氏冰心
自矢撫姪嗣年八十歿內外無間言乾隆五十二
年請

旨旌表

李志昌妻鄺氏年二十二夫故氏痛絕者再欲以身
殉遺子甫二齡舅孤論以撫姑責重乃飲泣吞聲
終身苦節乾隆五十七年奉

旨旌表

儒童劉德嵩聘一妻陳氏遊擊宗器女年十六未嫁而
夫亡氏衰經年喪閉戶紡績隣人罕見其面家資
豐裕至老不言現年六十有七嘉慶九年以
貞孝請

旌建坊於大北關劉氏祠左

雷孔閻妻鄧氏年二十七孀居孝事翁姑姑病誠心
奉侍衣不解帶者三月州守袁公繼善旌以額曰
節孝可風年八十五終後裔蕃盛多入膠庠

增生李隆本妻劉氏年二十二夫歿事姑克盡婦道
撫子萬有成立授主簿加一級課孫培基候補訓
導早故孫媳何氏亦青年守節劉

黃榜掄妻朱氏年二十八夫歿遺一子煥馳未週歲
矢志栢舟事後始克謹教子名列太學孫理中蜚
聲鬻序孫枝叠起目觀五代壽逾百齡稱人瑞焉
蕭大徵妻李氏年二十夫歿人有強娶之者氏至半
道手捧道旁牛糞啖之大呼曰有能與我同啖牛
糞者即以身事強娶者乃止而謝焉年八十六終
何澆玠妻劉氏年二十八夫歿守節事翁姑以孝聞
撫二子成立長子著國學以孫輝煌候補訓導
馳贈修職佐印次子芸國學州牧顧旌其廬年八十四終
劉型祖妻曹氏年二十七夫故遺子德才甫二齡氏
甘貧守節抱媳何氏才中年亦故撫遺腹孫姑媳
茹藥飲冰人無間言兩世清節姑年八十四終媳
六十七終

何熙明妻王氏年二十七夫故守節矢志靡他事姑
以孝持家以儉卒至豐裕撫二子長星垣國學次
長垣庠生撫二孫俱成名學正周旌其廬年九十
一終

張世煥妻楊氏年二十五夫故遺一子未幾子殤人
有勸其再醮者氏引刀自誓遂止終身苦守事姑
極孝年七十三終

雷禮培妻鄧氏年二十六夫歿遺一子甫二歲翁姑
皆老氏矢志守節養老撫孤克盡孝慈年七十四

終子入膠庠

徐世組妻李氏年二十二夫故遺一子悉心撫教嚴慈兼至事姑篤孝鄰里稱之年九十終

李清聲妻胡氏年二十六夫故守節端莊嚴肅見者生敬課子遠杰名列國學孫榮陞榮昶俱入庠年八十四終

謝仁恭妻何氏年二十四夫歿遺二幼子矢志守節姑老且病奉養極孝撫子嚴慈兼盡卒至成立年七十八終

蕭如景妻李氏年二十八夫亡事孀姑以孝聞家極貧苦連遭三喪皆一身任之撫二幼子成立勤儉

持家後漸豐裕年六十二終

雷禮圪妻陽氏年二十八夫沒子幼矢志撫孤家貧紡績自給卒致饒裕年八十二終

雷禮龍妻杜氏夫故遺一子躬操井臼撫子成立冰霜自勵苦節終身年八十四終

羅英鵬妻曹氏年二十一夫亡守節遺一子撫教甚嚴卒至成立貧苦自甘以終其身年八十二終

周光禮妻楊氏年二十八夫故氏勵志冰霜親操家務甘心貧苦至老不懈年八十五終

何孔貴妻張氏年二十一夫沒撫一子家貧自課蠶桑上事七旬舅姑極盡婦道年六十四終

魏大端妻侯氏年二十二夫往黔貿易物故氏紡績自食有勸以他適者氏矢志靡他艱辛自苦年七十四終

秦輔蕙妻侯氏年二十四夫往滇物故家貧乏嗣蠶桑自給苦節終身年七十八終

庠生蔣英妻黃氏年二十九夫亡矢志撫孤躬持家政辛苦備嘗絕無怨言年七十八終

鄧智榮妻雷氏年二十七夫故事姑甚謹或勸以他適氏曰夫天也天可背乎遂終身安貞年六十九終

胡信富妻袁氏年二十九守節事翁姑以孝聞姑患

脫甲惡疾氏長伴睡不厭臭穢人咸稱頌撫子瀚瀉沛汨延師課讀入成均者三人年六十五終

王日逢妻蔣氏年二十二夫故無子撫姪昌書承嗣苦節終身不易其操年五十九終

曹成龍妻楊氏年二十四夫往滇物故子方四歲撫養成立紡績奉姑內外無間言年七十八終

蕭忠都妻曾氏年二十五夫故撫子良寬延師教讀冰操不改年六十三終

吳邦型妻朱氏年十九夫故自矢冰霜家極窘紡績自給以終其身年七十一終

李文惠妻周氏年二十九守節躬操家政孝慈交至苦

節終世人無間言年六十六終

吳邦聖妻李氏年二十七夫沒飲冰茹蘗貞操不貳
上事翁姑下撫幼子孝慈兼至人咸敬之年七十

終

李名儲妻張氏年二十四而寡守節自貞誓不再醮
課耕課讀撫子成立內外無間言年六十五終

吳名世妻張氏年十八適吳方九月夫往滇物故遺
腹生一子邦杞撫孤苦守鄉里咸稱其操年六十

二終

秦輔蔚妻胡氏年二十六夫故撫遺腹子朝銓家貧延
師課讀不倦銓英年入泮年七十五終

李世奇妻石氏年二十二夫沒勵志冰霜謹敦婦道
日以紡績課子為事子成孫立家道漸興年七十

五終

鄧希禹妻尹氏年二十六夫亡遺子孟東苦節貞守
事姑克敬州主張以節孝可風額其庭年六十七

終

鄧孟琦妻周氏年二十七夫故遺子學儒甫三月撫
孤守節治家勤儉辛艱三十餘年六十五終

鄧孟瓊妻房氏年二十九夫歿子幼勵志貞守撫孤
成立子孫列庠年七十一終

庠生李世廣妻何氏年二十四夫歿家貧遺一子昌

直隸州志卷之三
裘氏勤苦持家課子成立爲名諸生守節五十餘年八十二終

儒士李陞禧妻鄧氏柳州太學生鄧瓊峯之女年甫及笄適李勵夫力學未幾夫故氏年二十八歲矢志冰操以祖母節孝請旌建坊隱然有勉嗣徽音之意撫孤有鵠名列太學鄉鄰咸稱道之卒年六十有四

歐陽正典妻朱氏年二十三夫故遺一子氏矢志冰霜孝雙親撫孤兒艱苦備嘗嚴慈兼盡卒年六十有四

黃錦純妻羅氏年二十八夫故貞心自矢撫遺孤十齡夭亡更以姪繡超承嗣婚娶生孫孝事翁姑和睦妯娌鄰里內外靡不欽敬現年七十有六

曾承瑯妻劉氏年二十二未育夫故氏勵志冰操勤心紡績閭里稱羨現年七十有二

蔣宗江妻楊氏年二十八夫故家甚貧事衰翁繼姑克謹苦操家政撫二子既娶皆亡次媳黃氏亦青年守節撫兄子承嗣以慰孀姑現年七十歲

蕭忠賢妻朱氏年二十七寡矢志不二後撫嗣良典成立現年八十一歲

雷光熙妻蕭氏年二十遺子在安甫四月熙即逝立志冰操撫孤課讀孝順翁姑和睦妯娌現年六十

有四

廩貢生李隆初肄業國子監考授主簿妻鄧氏州歲貢鄧經之女孝事翁姑謹敦婦道夫歿於京邸氏年二十五矢志柏舟撫幼治家督次子有鶯入庠課孫而秀爲名諸生屢見賞於宗師人稱氏爲女中丈夫現年六十有八

李有烈妻曹氏年十九夫故遺一子矢志撫孤養老翁姑俱病卧床褥數月不避穢惡敬事不懈後子媳復故生孫三歲復撫成立迄今眼見曾孫數人閭里莫不頌稱現年六十有九

王永壽妻黃氏年二十九夫歿遺二子矢志靡他撫

孤成立勤儉清操人無間言現年七十有二

胡子元妻侯氏年二十二夫故撫二幼子艱難苦守事親惟順現年六十有五

郭含英妻李氏年二十四夫故遺二子矢志撫孤至於成立紡績不輟操修凜然現年六十有二

廖孔珉妻吳氏年二十四夫故撫孤嚴慈立身清潔事親盡禮與人敦睦現年六十有四

劉德脩妻王氏年二十八生子夫故矢志撫孤堅貞操守三十餘年現年六十有五

歐陽德球妻謝氏年二十二夫歿無子紡績奉姑撫兄子承嗣如自己出現年六十一

王日暹妻鄧氏年二十五夫亡食貧守節遺孤中折
孫亦天乃立長兄之孫連登為孫現年七十有二
太學生李隆琥妻鄧氏琥素羸疾氏事之甚謹年二
十九夫歿家貧遺六子課以耕讀家規嚴肅鄉稱
姆師現年八十有三

歐陽德楨妻彭氏年二十四夫歿有勸以他適者氏
立碎妝鏡於前人聞感泣事孀姑以順德教遺子
以嚴慈更置田租為膏火現年六十

彭遜佳妻歐陽氏年二十夫故無嗣矢志守節誓不
他適清操自勵鄉族共稱現年六十

張天秀妻秦氏年十九夫故無子矢志苦守不以艱

辛易節現年五十四歲

朱光順妻張氏年二十二而寡乏嗣矢志堅守艱苦
備嘗現年五十有五

鄧天濤妻侯氏年二十五生二子夫往黔不歸家極
貧人勸以他適氏曰二子誰依矢志苦守現年五
十有二

雷忠震妻鄧氏年二十六生二子夫故立志撫孤至
於成立勤儉操守現年五十有四

廖清瑞妻彭氏年二十七孀居事親勤慎撫子義方
清操苦守人無訾議現年五十有五

尹哲文妻陳氏年二十九守節素善書記通大義教

子復祖業儒遠近稱淑媛焉現年七十有二

尹祖珠妻龍氏年二十五守節紡績以事翁姑勤儉
自持現年五十有五

曹遠享妻李氏年二十一生子孔純甫週歲夫故氏
痛幾不欲生公姑慰以撫孤氏乃拭淚強起茹藥
飲水孝以事親嚴以訓子今已生孫有二現年五

十

朱明岱妻吳氏年二十五夫歿立志靡他撫孤文運
至於成立家貧志堅人無間言現年五十有一

庠生劉德邁妾蔣氏年二十四夫亡無育苦志守節
撫繼妻陳氏子承容甫六歲視如己出課讀完娶

生二孫子媳中折復撫孫成立現年五十有八

王長楚妻劉氏年二十八夫故矢志不二撫子成立
課孫善疇入庠現年八十有五

張興訓妻李氏年二十七夫歿矢志守節事翁姑盡
禮生平靜鎮寡言足跡罕出戶庭雖家人不輕接
一語鄉黨姻族莫不稱其閭範現年五十

庠生李華妻劉氏年二十六夫歿遺一子甫數月家
計甚艱紡紉勤儉矢志靡他撫子成立事孀姑以
孝聞內外無間言現年五十一

雷光彩妻史氏年二十三夫歿遺一子僅歲餘家極
貧翁老氏矢志守節孝養慈誨人無間言現年六

十二

李世誠妻劉氏年二十七夫故遺腹生一子矢志冰

霜操持家政卒年八十四

李世謁妻何氏年二十四夫歿撫孤兒嚴慈兼盡內

外無間言卒年六十

譚附鳳妻蔣氏年二十二夫故守節奉 憲額其

廬口峻節可風乾隆十七年請

旌建坊

李世詳妻王氏年二十七夫故矢志靡他教孤兒督

率不倦卒年六十有三

汪之量妻王氏年二十四夫故撫孤子宗璠成立名

列太學苦節清操貞守四十餘年卒年七十二

夏道洪妻龔氏湖北沔陽州人年二十餘未育夫往

粵貿易其姑鄧氏染沉疴醫藥罔效氏焚香禱告

遂割股以奉母疾漸愈族長大遇大位等具聞州

守李以淑孝可風旌其門

李有欽妻劉氏年二十四夫故矢志靡他撫幼子成

立卒年六十有四

李隆通妻曹氏年二十八夫歿撫一幼子成立家極

審脩嘗艱辛現年七十一

鄧薇孟妻雷氏年十七夫故遺腹生一子氏冰心矢
節撫其子入太學生且素孝翁姑及翁姑歿水漿
不入口者三日至今三十餘年閭里罕有見其面
者現年五十三

李昌炯妻何氏年二十四夫歿孝慰翁姑撫一子隆
軌僅週歲茹藥飲水課子弱冠入稭庠中年復歿
生孫二長有宴入庠次孫有官早亡孫媳劉氏州
同劉繼祖之女年二十二矢志柏舟已守清節二
十年肫肫然有嗣祖母徽音之意何氏現年八十

七

謝仁美妻汪氏年二十一夫故無子堂兄強嫁之氏
不肯從即奔歸矢志守節終身不嫁撫姪子為之
婚娶茹荼如飴現年五十八

劉宗洋妻郭氏武舉郭親倫之女年二十一夫故事
姑以孝聞撫子凌雲入太學生持家有道茹藥飲
冰人無間言現年五十一

劉 麟妻鄧氏年二十五夫故矢志柏舟孝慰翁姑
和睦妯娌撫二子成立生孫三課讀有方現年五
十六

庠生李昌醇妻黃氏年二十九夫歿遺二子氏勤苦
持家償夫貸嚴訓課次子天亡長隆濟為太學生

年未三十復故與孀媳何氏勵志冰霜生孫二長
齡有亦入成均年二十四復故孫媳王氏亦矢志
靡他黃氏嚴慈兼盡家資頗裕性好施濟無吝色
三世孀守家規嚴肅遠近隣里咸欽重之現年七
十一

何永泰妻劉氏年二十三夫故遺一子垣有甫月餘
氏矢志清守備嘗艱辛姑九十歲孝養不衰無懈
色課子訓孫朝夕不倦苦節貞操族戚共稱現年
五十有七

雷廷珪妻楊氏年二十八夫歿家貧甘受凍餒清操
自持撫子成立現年六十二

李光煦妻劉氏 訓導劉德濟女年二十于歸生二
子 二十四夫故矢志柏舟朝夕紡績養姑課子
賦性莊肅嘔笑不苟閭里稱之現年五十歲

文旺梓妻何氏 年二十八夫故乏嗣矢志守節事
姑以孝處妯娌以和鄉黨稱之其貧終身年七十
五終

故儒鄧時習妻徐氏 年二十一夫死遺腹生一子
紡績自給人勸改適誓死不從善事翁姑和睦妯
娌飲冰茹蘖撫子成立歿年六十有四

魏榮世妻周氏 年二十五夫故生子名流僅六月
氏立志貞操苦心勵節孝事翁姑撫子成立宗族

在崇和陽少志 卷三十三
鄉黨咸稱獎之歿年六十有六

李諧妻何氏 年二十七夫歿兄弟三人欲嫁之誓
志靡他守已安貧勤苦持家課子成立一入太學
一爲艷庠現年八十四歲

蕭興庠妻陳氏 年十九于歸生子正榮甫週歲氏
年二十一夫沒誓志守節孝養舅姑鞠子成立考
授從九品職州守伍士琪贈以幣匾曰竹筠松茂
後嗣甚繁衍卒年九十有六

周宗侯妻侯氏 年二十一夫故生子顯相止五月
氏矢志柏舟恪守婦道不憚艱難苦節四十餘年
六十有五沒

曾承暝之妻侯氏 年十七歲婚配月餘夫往貴貿
易病故氏矢志冰操遭兄強嫁二次堅守不易紡
織營生苦節五十餘年現年七十有二歲

龔耀祖妻廖氏年二十夫故生二子矢志不二恪遵
婦道撫子成立內外咸稱現年五十有二

副榜龍書謨妻彭氏年二十九夫沒氏立志節操艱
苦備嘗孝順翁姑和睦妯娌現年五十有二

陳興位之妻謝氏年二十八夫故遺一子旺遠矢志
冰操家貧紡績自贖撫孤成立現年六十三歲

羅光光之妻謝氏年二十四于歸僅數月夫沒無子
矢志柏舟人有諷以他適者氏厲色拒之晝夜勤

績事姑極孝苦守四十餘年鄉里交稱歿年六十有七

吳正鈞妻駱氏年二十四生子朝鯨歲餘夫故立心不二矢志冰操勤儉持家撫孤成立苦守六十年八十四歲終

劉天棟之妻張氏年二十二夫故生子及心方襁褓舅姑皆沒惟嫡姑在氏矢志冰操奉姑極孝訓子成立苦節數十載外內無間言現年五十有一

鄧習楷妻雷氏雷信湘之女年二十四夫故生二子家貧有勸以再醮者氏截髮矢志厲守冰操紡績事後姑無少懈撫子成立現年五十九

鄧書河妻雷氏雷信沛之女年二十二夫亡生子一甫三齡家窘誓志栢舟隣戚以再醮勸氏曰婦人從一而終豈可他適勤紡營生撫子成立翁先逝姑疼瘋疾奉事敬謹人無間言現年五十二歲

夏萬達妻李氏係庠生李德醇女年十九夫故矢志栢舟撫子世祧成立孝事翁姑紡績維勤不輕出入鄰里罕識其面現年五十六歲

彭行榜妻劉氏年二十生一女夫故氏衰哭泣以頭搶地旁人勸之復甦復女亦繼逝氏了身獨處矢志栢舟紡績維勤現年五十一歲

彭行栢妻張氏年二十一歲生一女未久夫故氏

痛不欲生翁姑勸之曰女死奈我老何氏乃稍釋
遂矢志靡他潔修灑以事高堂內外咸敬服焉現
年五十歲

王日臨妻李氏年二十夫歿無子誓以死殉弟婦陳
氏以姑老勸氏乃飲泣吞聲終身苦節撫姪興讓
承祧孝慈兼盡每逢夫誕忌日必設奠盡哀鄰人
無不感泣現年六十八歲

王來簡妻劉氏年二十九生三子夫歿誓不欲生人
以有遺腹勸勉不數日生一男遂冰蘖貞守訓子
成立一授州同職一入太學生歿年九十一歲

何明誠妻雷氏年二十二夫故矢志柏舟撫孤子世
珍成立娶媳謝氏未育氏命子往黔娶妾病故媳
亦效孀姑守節誓不再醮家貧姑媳紡織自甘族
戚咸稱其幽貞姑現年七十一媳現年五十歲

雷智仁妻謝氏年二十八夫故乏嗣家窘奉翁姑甘
旨經營不少缺翁姑勸其他適氏慘然泣日子死
媳留猶如子存媳去親將無依矣遂矢志靡他翁
姑相繼疾沒殯葬皆如禮現年七十六歲

補遺

成先春妻雷氏事舅姑以孝聞年二十六而寡矢志
撫孤操如金石雍正八年旌

陳言妻成氏年二十五夫故孝事舅姑撫教孤子雍
正九年旌

節烈

明

杜彥祥妻鄭氏 歸杜五年而夫卒天順中獐賊來

寇鄭從姑避於舜峯巔未至為賊所執寇欲活之

鄭以死拒罵不輟遂見害其後宏治間有鄉民陳

仕良女陳氏艾仲隆女艾氏俱罵賊不屈慘死

羅且妻張氏 天順中尚寇入境大掠張匿豕牢中

賊覺抽刀迫之出張且泣且罵賊怒以槩投之遂

遇害

汪朝春妻武氏 天順八年尚寇犯桂陽武倉卒負

姑出亡乃反寇至為所獲欲汚其節武罵不絕口

遂遇害

汪千偉妻徐氏 年二十七夫亡遺一子一女復相繼夭氏遂飲藥自盡州守朱公親詣祭弔

吳正孔妻歐氏 夫病竭力救藥將不起誓以身殉

及夫卒歐治殮畢泣曰吾許吾夫矣不可二遂投繯明日二棺出見者莫不掩涕萬歷間州守楊鼎臣以聞於上旌其門曰貞烈之門

文汪泮 湖廣通志 妻夏氏 夫天殉死焉

朱日監妻張氏 夫沒遺九歲孤氏每撫孤至夫塋痛哭未幾自經州守張明叙詳請給額旌之

鄒抱義妻何氏 抱義臨武諸生崇禎末為賊所執乃坵面蓬髮給以病疲賊懼釋之及賊退家人咸

喜何泣曰平昔謁拜伯叔猶赭顏汗髮今匿身不固以面目對賊牽臂引裙雖免污辱何以為人竟憤恚不食死

周某妻艾氏 徭獯為寇艾被執將逼之厲罵不屈賊去解之

皇清

鄧仁聲妻劉氏 明末遭亂與同州李之立女皆完節死

彭大用妻汪氏 順治初郝賊陷城與姊徐氏俱登樓自剄

曹宗謨妻何氏 年十八爲賊所掠抗節死

徐光前妻楊氏 明末郝兵構變見執不屈兵斫其
手死數日甦後以壽終

羅貴華妻龍氏 避兵文化鄉烽火數驚氏泣曰儻
懼不測當以死自期及順治壬辰爲遊卒所掠其
夫先就繫迫氏汚之氏以頭觸刃抵地堅不從俄
而主帥至鞭掠者竟得釋明年夫應童子試卒於

塗氏聞之自經死

夏九萬妻尹氏 郝賊陷城投水死

鄺士仰妻羅氏 適士仰二年遂寡堅貞自守撫夫
姪爲嗣順治己丑羅爲遊兵所執將汚之厲罵不

絕竟遇害

李某妻駱氏 郝賊陷城自縊死

王士推妻蔣氏 順治六年爲賊所獲不屈死

胡禧妻謝氏 年十八歸禧甫兩月禧爲藩司吏卒
於長沙計至氏以死誓父母慰之不聽乃嚴妝自
經死

李尙器妻胡氏 尙器他出族人挾刃欲汚之不從
被刺死康熙二十八年旌坊在富樂鄉

王國錫妻魏氏 年十八適王生一子一女夫年長
而貌陋氏事之弗少懈未幾夫卒氏哭之慟兩目
皆血氏不獨生絕粒五日母防甚密氏給之出自

經死

唐氏唐明興女 乾隆十五年五月爲強暴唐晚仔所譴氏拒之奔歸羞忿自縊奉旌坊在上鄉栢木鄉

李宗和妻張氏 宗和沒氏青年無子撫姪禮相自守乾隆十八年爲強暴李宗鑑所譴拒之訴於鄰里投水死奉旌

劉承藩妻魏氏 年十七于歸溫柔淑慎孝姑嫜睦妯娌內外無間言夫亡蓋棺後氏潛入寢室投繯室人解救之立諭以舅姑在堂藐孤在抱未亡人不可死於是歔淚節哀勉治夫喪未幾而幼孤又殤氏痛卒者數次歸家拜辭父母仍返夫家次日值夫沒忌辰隨整粧自縊

袁天首妻陽氏 生一子一女氏年二十四子女俱亡夫尋病卒氏慟絕於地家人救甦氏送夫柩安葬歸卽於是夜引刀自刎署州守周 旌以額曰烈節可風

汪足任妻陽氏 年十九歸汪事舅姑最孝甫二載夫亡念身有遺腹不忍遽殉以斬夫嗣不數月生一男乳哺三載因稟命於姑曰向之不死爲此子耳今幸能自行立可以遂吾志矣言畢涕泣不已再三勸諭終不能解後防閑稍疎竟自縊

侯義先妻朱氏 完婚三載所生一子殤家貧夫貿
易滇南歷五載忽客死氏慟哭絕粒隨自投繯幸
獲解救送歸母家又復就縊幸嫂見救之父母懼
仍送夫家氏潛赴宅後魚塘死

梅元道妻鄧氏 年二十六夫亡無子矢志守節立
姪承祧有里人慕氏之賢而欲強娶之者氏乃引
刀砍頭破面鄰里驚駭具聞州守旌其門

歐陽孝昌妻吳氏 年二十二夫亡誓以身殉所親
以老姑藐孤勸氏志終不能釋三載服闋見孤漸
離懷抱遂謝慈闈曰媳不及事姑將從爾子於地
下矣慰不能止服禫之夜自經於室前州守旌其

門

羅登鉉妻劉氏崇禎十七年郝賊屠城劉襁褓一子
避難西鄉之買山賊驀底其地逼以偕行劉冒利
刃不失大節賊刺其子以脅之終不從賊怒遂遇
害

黃 琥妻雷氏藍邑人家貧紡績以資琥學琥卒氏
不飲食者七日檢夫箱帙盡投爐焰中遂自刎死
羣鳥環集其廬悲鳴不去人咸異之

羅中开妻李氏被惡少調戲詈罵自忿捐軀不顧奉
育 嘉其節烈 賜金建坊

侯西山妻劉氏有同里惡少欲強污之不從棄命明

志乾隆五十九年請

旌 建坊

龍遇震妻雷氏年二十二夫歿堂兄欲強嫁之氏剪髮自矢後竟以強嫁自縊而死請

旌建坊

吳 妻歐氏夫夭殉死

彭紹新妻李氏藍山人

李有詠妻劉氏年二十適詠甫三月夫染沉疴侍湯藥甚謹至廢飲食哀禱願以身代夫歿遂投繯救免復仰藥罔救以殉

庠生李長存妻徐氏年二十四夫歿殯歛畢即閉戶

沐浴自縊人咸義之

國學何熙燾妻李氏年二十八事夫克敬夫病親侍湯藥衣不解帶者數月夫故椎心泣血即自縊死鄰里無不恤之

吳朝銓妻何氏年二十八歲夫故幾不欲生同室相勸曰已生子廷珪廷璋廷珮廷璉四人撫養成立克全順義迄今氏年五十有五閭閻克端義方垂訓母慈子孝兄友弟恭雍睦昭著內外美談

王日臨妻李氏年二十夫歿無子誓以死殉弟婦陳以姑老勸勉氏乃飲血吞聲終身苦節撫姓興讓承祀孝慈兼盡每逢夫忌日必設奠盡哀人無不

直隸相陽州志卷三十三
感泣現年六十有八歲

王來簡妻劉氏年二十四夫歿遺子有福有崙氏矢志栢舟訓子成立一授州同一入大學歿年九十有一歲

蕭昌義妻黎氏年二十四夫故家貧誓守生子傳縉傳縉二人撫養成立克全順義迄今氏年五十有六閩範兒端義方垂訓母慈子孝兄友弟恭雍睦和諧遠近美譽

烈女

雷烈女 天順中廣寇破城人皆竄匿女父廷惠以目疾不能去女獨侍側寇欲犯之罵賊死

唐順朋聘妻黃氏 黃彥簡女嘉靖間順朋病痿痺

不能娶有劣生陳濟者謀奪爲子婦以計誘之彥簡力持不可濟輒訟於官引匪黨爲媒證固爭之主者疑彥簡之寒盟也寘之三木令女出始釋黃氏聞之泣曰以我故陷父於刑不可以爲人女棄已成之盟而更從人不可以爲人妻乃櫛沐更衣自刎時年十八事聞令大驚乃治濟並其黨三人撫部皆旌其孝烈爲建烈女坊

汪千乾聘妻李氏 父之立為諸生嘗教之讀毛詩

明末郝兵陷城女扃戶自殺時年十五

雷某聘妻史氏 年十九將及于歸雷暴卒氏聞訃

絕粒一夕夢雷索履氏刺履請於母至夫塋哭奠

歸是夜自經死州守旌之為建烈女亭

李某聘妻彭氏 許字李某未嫁夫病篤氏請視之

嚙指瀝血誓從地下及沒氏自經家人救甦後竟

死之州守旌以額

何尊古聘妻鄧氏 幼字尊古未嫁而尊古夭沒鄧

縞衣絺喪誓死守節貲產既薄堂無舅姑朝夕勤

劬紡績自給越六載慟念日甚丁丑歲大饑遂絕粒自經死

貞女

黃朝義聘妻羅氏 未嫁而朝義死羅年十六聞訃

匍匐臨喪慟絕復蘇終三年服苦節自矢詔歲給

帛麻復其家崇正癸未入祠祀

陳氏女 父母無嗣甚愛陳陳遂矢志不字食貧茹

荼生事死葬以身任之督學高世泰旌其門

盧祖湖女寅香 生數歲許同里劉子十五歲劉子

出外三年旋傳歿於他處女聞之慟幾欲絕其姑

來女家相抱而哭旁人多為之墮淚更三年女年

方二十也其家素封兄弟輩為一時人豪里中多

慕女之賢無不爭問婚者女每微色拒遂長齋禮

佛勤織作日完布一疋垂三十餘年以爲常人告
劉爲之立後劉老顛愚者狗讒多違言女聞憤惋
曰未亡人何戀戀人世也伏枕三日呼天而逝

李氏女 幼字本邑唐相日相日充黔伍竟他娶氏
母沒家貧機杼自給久乃知相日之寒盟也誓死
守志時年五十有五知縣朱旌其門

李蓮秀 係李清玉之女幼字吳世來未嫁吳故吳
門衰薄不能歸守在母家守貞三十餘年紡紆自
給以苦節卒

雷桂女 嘉禾縣雷雲麟之女幼聘李士天之子早
夭桂年及笄戚里中數有求婚者女聞輒號泣不

食矢志守貞雲麟痛女青年私議婚於臨邑何氏
女覺不復泣父母以爲其志可轉未及防竟縊死
閨中戚里哀其志具聞於縣給額旌之

雷女寅姐士俊之女因弟雷淵幼小父母年老多病
矢志養親撫弟終身不字鄉族敬服年六十二終
龍女敬蓮幼字劉未嫁而劉亡父欲另字女誓不適
人事親以孝聞後劉母沒備衣衾棺槨之費赴劉
治喪人稱其賢現年五十有二